

NOVA PRAVILA ODOBRENA TOKOM VANREDNOG TEHNIČKOG KONGRESA FINA ZA VATERPOLO ODRŽANOG 10. DECEMBRA 2018. GODINE U HANGZHOU, KINA

WP 20.15 – „Mjerilac vremena koji mjeri vrijeme posjeda lopte mora da resetuje sat na 30 sekundi: c) kada se lopta vrati u igru poslije dosuđivanja kornerskog bacanja“

NOVO pravilo:

Mjerilac vremena koji mjeri vrijeme posjeda mora da resetuje sat na 20 sekundi

- a) kada se lopta vrati u igru poslije dosuđivanja kornerskog bacanja,
- b) poslije odbijanja nakon šuta kada ne dolazi do promjene posjeda i
- c) poslije isključenja.

Komentari Tehničkog odbora za vaterpolo (TWPC):

Namjera je da od početka pozicione igre, ili drugog posjeda lopte u istoj sekvenci, ostane najviše 20 sekundi posjeda lopte.

- * Ako se dosudi kornersko bacanje, sat za posjed se resetuje na 20 sekundi.
- * Ako dođe do odbijanja lopte, a ekipa koja je izvela udarac (ekipa u napadu) ponovo dolazi u posjed lopte, sat za posjed se resetuje na 20 sekundi.
- * Ako dođe do odbijanja lopte, a ekipa u odbrani dođe u posjed lopte, sat za posjed se resetuje na 30 sekundi.
- * Sat za posjed se resetuje na 20 sekundi kada se lopta ubacuje u igru poslije dosuđivanja kaznenog bacanja.
 - Ako dođe do promašaja kaznenog bacanja, a ekipa koja je izvodila bacanje dođe u posjed lopte nakon odbijanja, sat za posjed se resetuje na 20 sekundi (nema promjene posjeda).
 - Ako ekipa koja se brani dođe u posjed lopte poslije odbijanja, sat za posjed se resetuje na 30 sekundi.
 - Ako je postignut pogodak, sat se resetuje na 30 sekundi.
- * U posljednjem minutu utakmice, trener može izabrati da ne izvodi kazneno bacanje već novi posjed lopte. U tom slučaju utakmica se nastavlja sa linije sredine igrališta, ili iza nje, kao poslije tajmauta, a sat za posjed se resetuje na 30 sekundi.
- * Sat za posjed se resetuje na 20 sekundi prije izvođenja slobodnog bacanja nakon što lopta pređe bočnu liniju igrališta poslije odbijanja lopte kojom je golman posljednji igrao.
- * Sat za posjed se resetuje na 30 sekundi poslije neutralnog bacanja.
- * Ako se dosudi isključenje, vrijeme se resetuje na 20 sekundi, ukoliko sat za posjed nije pokazivao veće vrijeme.

Ako sat za posjed pokazuje više od 20 sekundi u vrijeme dosuđivanja isključenja, to veće vrijeme će ostati na satu.

Ekipa ne treba da izgubi vrijeme kao rezultat isključenja, niti ekipa koja čini prekršaj treba da ima koristi na način da se vrijeme posjeda smanji
- * Ako se dosudi dvostruko isključenje, vrijeme ne treba da se resetuje i vrijeme na satu za posjed ostaje isto.
- * Kada neki odbrambeni igrač potopi loptu, sat za posjed se mora resetovati. Ono se mora resetovati na 20 sekundi ukoliko sat za posjed ne pokazuje veće vrijeme.

WP 14.3(d) „Pogodak može biti postignut kada igrač odmah uputi udarac iz slobodnog bacanja dosuđenog izvan linije 5 metara“

NOVO pravilo:

Pogodak može biti postignut iz slobodnog bacanja koje se izvodi i dosuđuje izvan linije 6 metara nakon lažnog šuta ili driblinga, ili spuštanja lopte na vodu.

[Napomena: kada igrač ne izvodi direktni udarac na gol, lopta mora prvo biti ubačena u igru kako je opisano u pravilima (Vidjeti WP 16, slika 1 i 2) prije lažnog udarca i driblinga]

Komentari TWPC-a:

I lopta i slobodno bacanje moraju biti izvan linije 6 metara.

Ako je lopta unutar prostora od 6 metara, igrač ne može šutirati.

Ako se slobodno bacanje dosudi unutar prostora od 6 metara, a lopta se nalazi izvan tog prostora, igrač ne može šutirati.

Ako su i lopta i slobodno bacanje izvan prostora od 6 metara, igrač može izabrati da odmah šutira ili da na vidljivi način ubaci loptu u igru.

Nakon što igrač na vidljivi način ubaci loptu u igru, igrač može napraviti lažnjak i šutnuti ili plivati i šutirati.

Kada igrač na vidljivi način ubaci loptu u igru, odbrambeni igrač može napadnuti igrača sa loptom.

Vidljivo ubacivanje lopte u igru znači da lopta mora napustiti ruku igrača koji je u posjedu lopte.

(Pogledati WP 16, slika 1 i 2).

Vidljivo prebacivanje lopte iz jedne ruke u drugu smatra se ubacivanjem lopte u igru.

Direktno šutiranje nakon pauze:

Nakon pauze, direktno šutiranje na gol nije dozvoljeno

* Puzom se smatra kada sudija zatraži loptu izvan vode, zbog zamjene kapice, povreda ili drugih stvari.

Nakon što se stvar razriješi i nakon što se lopta vrati igraču, prema pravilima nije dozvoljen direktan udarac na gol.

* Međutim, kada se lopta vrati igraču koji izvodi kornersko bacanje, igraču izvan prostora od 6 metara, nakon prekida radi zamjene kapice, povreda ili drugih stvari, poslije ubacivanja lopte u igru, taj igrač ne može šutirati na gol (ili napraviti lažnjak ili plivati) ni postići pogodak.

NOVO pravilo: napadanje s leđa na igrača koji je u napadu od strane odbrambenog igrača unutar prostora od 6 metara.

Unutar prostora od 6m, kada igrač pliva sa i/ili drži loptu i biva ometan (napadnut) s leđa tokom pokušaja da uputi udarac, mora se dosuditi kazneno bacanje.

[NAPOMENA: ukoliko odbrambeni igrač samo ne dodirne loptu]

Komentari TWPC-a:

UNUTAR PROSTORA OD 6M, U POZICIJI ZA VJEROVATNO POSTIZANJE GOLA I SA NAMJEROM DA POSTIGNE POGODAK:

Ako se neki igrač u napadu sa namjerom da šutira nalazi ispred odbrambenog igrača i kreće se ka голу, odbrambenom igraču nije dopušteno da načini prekršaj a da napadaču ne bude dosuđen potencijalno kazneno bacanje.

**To je zaustavljanje vjerovatnog pogotka i potpada pod značenje (novo WP 23.2 - staro WP 22.2)
Jedini način odbrane u ovoj situaciji je da odbrambeni igrač napravi kontakt samo sa loptom.**

WP 17.2 – „Kornerska bacanja izvodi igrač ekipe koja je u napadu sa oznake 2 m. na bočnoj strani igrališta, najbliže mjestu na kojem je lopta prešla gol liniju. Bacanje ne treba da izvede najbliži igrač, ali se mora izvesti bez nepotrebnog odugovlačenja“

NOVO pravilo:

Igrač koji izvodi kornersko bacanje može

a) šutirati direktno,

nakon ubacivanja lopte u igru

b) plivati i šutirati bez dodavanja, ili

c) dodati drugom igraču

To će eliminisati potencijalnu odluku i signaliziranje sudije da je 'lopta bila na ruci' što smo viđali u prošlosti , a što je u mnogim slučajevima bilo netačno.

Sudija treba da odloži signaliziranje kako bi vidio da li je igrač u stanju da završi akciju.

Ako igrač nije u stanju da je završi, sudija mora primijeniti ovo pravilo.

Kada je neki igrač ekipe koja je u napadu ispred gola sa loptom na vodi i njegova ruka je na lopti a golman u toj situaciji potopi njegovu ruku i loptu to je ispravno, golman je napadnut sa prednje strane a ne otpozadi, tako da u ovoj situaciji ne treba dosuditi kazneno bacanje, već slobodno bacanje u korist golmana.

Komentari TWPC-a:

Igrač koji izvodi kornersko bacanje neće biti ograničen kod preduzimanja akcije, uključujući i šutiranje na gol.

***Nakon dobijanja lopte od strane gol-sudije, kada je dosuđeno kornersko bacanje, dozvoljeno je direktno šutiranje na gol, takođe nakon ubacivanja lopte u igru, on može plivati i napraviti lažnjak prije šutiranja na gol.**

Trenutno nema pravila za ovo pitanje

NOVO pravilo:

Taster za tajmaut treba da bude odgovornost ekipe, t.j. jedno od (tri) službena lica koja se nalaze na klupi ekipe pritiskaće taster za tajmaut kada trener to bude želio

Komentari TWPC-a:

*Namjera je da se službena lica zadužena za tajmaut uklone od klupe i da se prenese odgovornost na ekipe da signaliziraju kada žele tajmaut

WP 12.1 – „Svaka ekipa može zatražiti jedan tajmaut po svakoj četvrtini“

NOVO pravilo:

„Trener svake ekipe koja je u posjedu lopte može zatražiti 2 tajmauta u bilo kom trenutku tokom utakmice, osim poslije dosuđivanja kaznenog bacanja“

Komentari TWPC-a:

Tajmaut se može pozvati u bilo kom trenutku kada je ekipa u posjedu lopte.

Tajmauti se mogu pozvati u istoj četvrtini ili na kraju jedne i početku naredne četvrtine.

Nema nikakvih ograničenja o tome kada ekipa može pozvati tajmaut, dokle god je ta ekipa u posjedu lopte.

Ekipa ne može pozvati tajmaut poslije dosuđenog kaznenog bacanja.

WP 11.2 – „Između druge i treće četvrtine mora biti pauza od pet minuta“

NOVO pravilo:

Između druge i treće četvrtine mora biti pauza od 3 minuta.

Komentari TWPC-a: Razumljivo sam po sebi

WP 5.6 – „Rezervni igrač može ući u igru u bilo kom trenutku tokom utakmice kroz prostor za ponovni ulazak čim igrač vidljivo izađe na površinu vode unutar prostora za ponovni ulazak“

NOVO pravilo:

DODATNI prostor za ponovni ulazak rezervnog igrača će biti na bilo kom mjestu između gol linije i centra igrališta na polovini igrališta koja pripada toj ekipi (za leteće izmjene).

[Napomena: isključeni igrač ili rezerva mora uvijek ponovo ući preko kućice za ponovni ulazak u uglu igrališta]

Komentari TWPC-a:

- * Nema nikakvog ograničenja o broju rezervnih igrača koje ekipa može imati uz rub bazena, a nema ni ograničenja u vezi sa brojem igrača koji treba da budu zamijenjeni u istom trenutku. Ovaj prostor se ne može koristiti kao prostor za „zagrijavanje“.
- * Da bi se kretao duž ruba bazena, rezervni igrač mora ući pored prostora za ponovni ulazak bez skakanja – na isti način kao da ulazi u vodu da bi ušao u prostor za ponovni ulazak.
- * Igrači moraju na vidljivi način dodirnuti ruke iznad vode kada se i igrač koji izlazi iz vode i njegova zamjena nađu izvan igrališta.
- * Igrač mora napustiti igralište i izroniti na površinu prije nego što njegova zamjena može ući.
- * Igrač koji napušta igru mora plivati duž ruba bazena dok ne dođe iza gol linije.
- * Zamjena se može izvršiti bilo gdje između gol linije ekipe i centra igrališta, i može se izvršiti bilo kada tokom trajanja utakmice.
- * Zamjena neće biti dozvoljena poslije dosuđivanja kaznenog bacanja. Ako dođe do povrede ili kada igrač

koji načini prekršaj ima tri lične greške, zamjena se dozvoljava JEDINO kroz prostor za ponovni ulazak.

* Bilo koji sudija ili imenovano službeno lice za zapisničkim stolom može signalizirati kršenje ovog pravila, i mora se primijeniti sankcija za nepravilni ulazak (novo WP 22.16 staro 21.16).

* Igrači mogu ostati u prostoru za zamjenu razumni period vremena. To je sličan pristup kao za igrače koji se nalaze u „starom“ prostoru za isključenja.

* Ovaj prostor za leteće izmjene treba biti širok najmanje 0,5 metara

WP 19.1 – „Slobodno bacanje se izvodi sa mjesta na kom je prekršaj napravljen“

NOVO pravilo:

Slobodno bacanje se mora izvesti sa mjesta na kom se nalazi lopta, osim a) ako je prekršaj skrivio odbrambeni igrač unutar odbrambenog prostora od 2 metra, slobodno bacanje se mora izvesti sa linije 2 metra nasuprot mjesta na kom je načinjen prekršaj.

Komentari TWPC-a:

Namjera ove izmjene je da se ubrza igra time što se ne zahtijeva vraćanje lopte na mjestu na kom je prekršaj učinjen.

Za svako slobodno bacanje dosuđeno unutar prostora od 2 metra, igrač mora ipak iznijeti loptu do linije 2 metra.

Trenutno nema signalizacije za ovakvu situaciju.

NOVO pravilo:

(Ovo pravilo se primjenjuje samo u nejasnim situacijama oko linije 6 metara.)

[Napomena: Signal koji sudije treba da koriste je da jednom rukom podignutom uvis pokažu da je prekršaj bio izvan prostora od 6 metara.]

Komentari TWPC-a:

*** Kada sudija pokaže takav znak, on znači da je igraču dozvoljeno da šutira.**

Ako sudija ne pokaže nikakav znak, to znači da igraču nije dozvoljeno da šutira bilo zato što je prekršaj bilo lopta bila unutar prostora od 6 metara.

WP 14.2 – „Pogodak se može postići sa bilo kog mjesta u igralištu; osim što golmanu nije dozvoljeno da ide ili dodiruje loptu preko linije polovine igrališta“

NOVO pravilo:

Golmanu je dozvoljeno da se kreće i da dodiruje loptu preko linije polovine igrališta. _____

Komentari TWPC-a:

- * **Golman sada može preći centar i može šutirati sa bilo kog mjesta umjesto da doda loptu.**
- * **Golman gubi svoje privilegije preko linije 6 metara.**
- * **Tokom izvođenja kaznenih bacanja, ako su obje ekipe uključene, od njihovih trenera će se zahtijevati da odrede pet igrača i golmana koji će učestvovati u izvođenju kaznenih bacanja, golman može biti jedan od izvođača**
- * **Golman može biti zamijenjen u bilo kom trenutku tokom izvođenja kaznenih bacanja pod uslovom da je zamjena bila navedena u popisu ekipe za tu utakmicu, on međutim ne može biti zamijenjen kao jedan od izvođača kaznenih bacanja.**

WP 10.1 – dužnosti sekretara su: B – da kontroliše vrijeme trajanja isključenja i da signalizira istek vremena za isključenje podizanjem odgovarajuće zastavice.

NOVO pravilo:

Upotreba automatskih vizuelnih efekata, u okolini prostora za kaznena bacanja, t.j. signaliziranje

- a) posljednjih 5 sekundi trajanja isključenja
- b) trenutka kada isključeni igrač može da se vrati u igru.

Komentari TWPC-a:

- * Ovo će se koristiti samo ako je dostupna odgovarajuća oprema.
- * Na primjer: svjetlo postavljeno na satu za šutiranje u blizini klupa ekipa i na zapisničkom stolu koje postaje zeleno u trenutku kada je isključenom igraču dopušteno da se vrati igru. Ovaj sistem treba da bude integrisan u sistem mjerenja vremena

Trenutno nema pravila za ovo pitanje.

NOVO pravilo:

Upotreba gol-tehnologije.

Komentari TWPC-a:

- *Upotrebu će odrediti TWPC, a izdaće se protokol za njeno korišćenje kada postoji odgovarajući sistem.

Trenutno nema pravila za ovo pitanje.

NOVO pravilo:

Upotreba audio opreme od strane sudija.

Komentari TWPC-a:

- * Svaki sudija će imati slušalice s mikrofonom za međusobnu komunikaciju.
- * Delegat će takođe imati ovakvu opremu, ali samo za prijem informacija za zapisnički stol i radi obezbjeđenja jasnoće.

Trenutno nema pravila za ovo pitanje.

NOVO pravilo:

Sistem video monitoringa (GVMS - Game Video Monitoring System) će se koristiti za identifikovanje i sankcionisanje incidenata brutalnosti ili ekstremnog nasilja do kojega dođe ali koje nije bilo kažnjeno na odgovarajući način ili identifikovano tokom utakmice.

Komentari TWPC-a:

- * Svrha ovoga je da se igrači retroaktivno sankcionišu za nasilnu igru koju sudije nisu kaznile na odgovarajući način tokom utakmice.
- * Rezultat utakmice se neće promijeniti.
- * Na primjer, nakon pregledavanja zvaničnog video snimka, ako TWPC utvrdi da je neki incident trebalo sankcionisati signaliziranjem brutalnosti, tada će igrač koji je u pitanju biti suspendovan od strane TWPC-a na isti način kao da su ga sudije kaznile t.j. najmanje 1 utakmicu neigranja.
- * Rezultat utakmice se neće promijeniti, ali ekipa će narednu utakmicu igrati sa igračem manje, u slučaju suspenzije od 1 utakmice neigranja, ili više utakmica ako je suspenzija duža.
- * Svaka ekipa koja želi da pregleda video zapis nekog incidenta mora podnijeti formalni zahtjev delegatu TWPC-a ili kancelariji TWPC-a u pisanoj formi, uz uplatu od 500 švajcarskih franaka, ili ekvivalentnog iznosa, u roku od 60 minuta od završetka utakmice u kojoj se dogodio navodni incident.
- * Ovo treba da bude isto kao i u slučaju ulaganja protesta.
- * TWPC, na vlastitu inicijativu, može takođe pregledati zapis bilo kog incidenta.
- * TWPC mora saopštiti svoju odluku o suspendovanju ekipe, jednog ili više igrača, prije naredne utakmice te ekipe.

Trenutno nema pravila za ovo pitanje.

NOVO pravilo:

Oznaka za mjesto izvođenja kaznenog bacanja na bočnim stranama igrališta mora biti **CRVENA**.

Komentari TWPC-a: Razumljivo samo po sebi